

温州市图书馆

小园集一卷

共 1 册 存 1 册 排架号

Q8116

梯園詩集

朱益藩著



梯園詩集

甲戌七月
溫州

稊園詩集



甲戌七月

陳寶琛



稊園詩集

沈

氏

詩

集

序

可

序

昔在舊都嘗過關君穎人稊園爲斷句擊鉢吟一時海內能
詩者多聚焉粵詩人若君兄吉符及梁節庵曾剛甫葉遐庵
羅拔東陳公備沈養源沈硯農梁卣銘輩咸在座穎人記問
最博往往冠曹雖糊名定甲乙得以其對仗之敏數典之瞻
揣摩而知之也夫爲詩至於嵌字鬪韻習之久適以自累其
辭穎人雖工於此特竄句以游心用其才之所餘而已未嘗
以爲病也顧沈潛古籍外粹而券內其於歌詩也遺辭隸事
匪惟其工益以所遭際歷覽雕鑄肺肝蕩滌神志吐其所欲
言而茹其所不忍言使雜置倫輩詩中予有以審其爲穎人

也節庵剛甫遐庵揆東諸君子詩既先後授梓行世生平定稿去取綦嚴棄者太半予竊嘆其矜慎而尤惜節庵詩僅爲門弟子所輯未覩其完穎人爲詩富矣今手編十四集集皆自爲小引紀其歲月體例詳備所謂飴鄉集者又皆其夫婦唱酬之什閨檐雍容發爲聲詩方之孫淵如王惕甫之流詎多讓耶方予游華山歸作圖卷穎人賦詩題之以未登覽爲憾近讀所寄甲戌詩則其夫婦亦已西踐太華徧陟三峯挹言胸臆寫爲崇高裒然成詩一卷予西游才及北峯而止耳得詩不過數篇然則穎人不特視予爲勇卽其造詣又豈予所能望哉乙亥三月新建夏敬觀序

題辭

昆明王 燦揚山

絢爛聲華震兩都筆端疑有萬靈趨江山游遍添奇趣咳唾生香似貫珠野興偶然傾瀉倒僧房亦復謁伊蒲等身著作名山業一字千金換得無

南昌胡 奩眉仙

揭來清吹拂衣巾便覺高言挹庾塵落日夔州懷雅興疾雷太白想詩人老無彩筆酬知己近喜青溪結晚鄰不用更耽窮事業風騷分付與靈均

大興杜福堃 靄蓀

也節庵剛甫遐庵揆東諸君子詩既先後授梓行世生平定稿去取綦嚴棄者大半予竊嘆其矜慎而尤惜節庵詩僅爲門弟子所輯未覩其完穎人爲詩富矣今手編十四集集皆自爲小引紀其歲月體例詳備所謂鉛鄉集者又皆其夫婦唱酬之什閨檐雍容發爲聲詩方之孫淵如王惕甫之流詎多讓耶方予游華山歸作圖卷穎人賦詩題之以未登覽爲憾近讀所寄甲戌詩則其夫婦亦已西踐太華徧陟三峯挹言胸臆寫爲崇高裒然成詩一卷予西游才及北峯而止耳得詩不過數篇然則穎人不特視予爲勇卽其造詣又豈予所能望哉乙亥三月新建夏敬觀序

題辭

昆明王 燦惕山

絢爛聲華震兩都筆端疑有萬靈趨江山游遍添奇趣咳唾生香似貫珠野興偶然傾瀆倒僧房亦復謁伊蒲等身著作名山業一字千金換得無

南昌胡 奩眉仙

竭來清吹拂衣巾便覺高言挹庾塵落日夔州懷雅興疾雷太白想詩人老無彩筆酬知己近喜青溪結晚鄰不用更耽窮事業風騷分付與靈均

大興杜福塋 霽蓂

是
錫詠猶存晉代風永和帚屐想雍容人同茂叔春風坐詩與
曹溪法乳通能以溫柔涵教旨每從敦厚見深衷寸心甘苦
千秋業鑪火純侔造化工

北勝南強壁壘屯騷壇牛耳執中原艱危孤憤陳詩史慷慨
匡時草罪言幾輩清流江左重三家嗣響嶺南尊元音一洗
箏琶耳道眼知君不二門

集遺山句

長洲彭清鵬雲伯

萬古文章有正傳唱酬無復見前賢眼明今日題詩處筆底
銀河落九天

焦遂高談四坐驚誰從慘淡得經營陽春不比黃荅曲真向

華嚴見化城

尊酒相逢意自傾一家難弟復難兄老來留得詩千首付與
時人分重輕

耆舊風流今復誰從公未覺去年遲長安多少貂裘客巷語
街談總入詩

年年栗鹿踏京塵蓮社欣逢席上珍自是名賢稱國寶不妨
餘事作詩人文奇寧賴山川助心廣應知意境新更愛浣花

同調處毫端情盡在斯民

湘鄉張元羣仁父

小園詞賦動江關擊盃吟成手自刪北館生黃猶著象東山
攜展定開顏爭看黃閣無雙士來住青溪第幾灣多少渡江
詩句美會當鐫遍六朝山

瀏陽鄭晟禮舜徵

萬卷書撐腹笥便兩都十載幾駢肩百篇夢賜生花筆三峽
懸河瀉玉泉游屐東南山水助悲譎燕趙士林傳放翁杜老
懷忠憤贏得微言待妙詮

台山伍勳銘麟閣

性靈學問兩兼之五十年中萬首詩子畏科名誇少日夏侯
才藻擅新詞江山扶助增精采書卷紛披佐綺思粵派三家

稱絕調騷壇賴此繼前規

靈璧張問軒秋柳

高懷直與古爲徒小技猶能傲壯夫藥貯百金泮泮洸丸經
五累概拘株先生之詩
巧乎有道善藏刀用憑神遇老斲輪成信手扶好

向天機微動處下風俯拾唾餘珠

九江徐寶泰公和

領袖騷壇四十年江山時擁嘯歌前斂餘才氣猶橫出婉約
心情卻漸傳豈盡文章掩經濟稍迴功譽入詩篇同光抗手
思樊易蘊藉難能覺更賢

衡陽劉趨蔚筠友

曠代匡時略憂深著作勤青箱綿沈約赤氣燭崔羣詔早承
 金馬劍能起井犢為因吟橘頌甯自耀魚文風靡宮牆峻春
 敷桃李薰休休涵海嶽莽莽霧煙零遽報河湟棄空嗟玉石
 焚鯨還翻夕浪蝮迺豁秋氣感慨頻書憤艱虞別紀勳行歌
 深入楚瞻道喜遊汾燕薊寒邀月羅浮翠拂雲過江風浙浙
 誓墓雨紛紛夢草神靈運謂吉符先生摘芳儷左芬謂織雲夫人篁幽時集
 鳳蒲暖任鳴蚊懷舊倦鱗羽開新展菰苧招邀娛擊鉢契好
 縱書裙綺繡工枚馬高超抗典墳捶鉤恣藻鑑琢肺奮雲斤
 屢抱瘡痍痛何妨朱紫分威儀長抑抑文史日齟齬自振青
 萍價咸舒絳錦紋追歡欽杖屨辱句誦朝曠道廣人爭重名

高世共聞中原平定日信史佇徵君

往趨遊故都從梁節庵馬通伯二先生學為文章則聞南

海 關穎人先生以孝義奇偉之性為典麗清曠之詞心

儀焉而未得介無以自達於 先生及來金陵 先生適

參鐵道部事劇應中以風雅提倡後進飲酒賦詩往往一

會至數十人趨適得承警效於其側益讀其詩與文饜夙

心矣蓋 先生君子人也不輕肆以為才不襲績以為學

不信屈警牙以為古藹然以溫淵然以澤不徒名公鉅儒

過從絡繹即凡羈旅憔悴之子皆與之馳驟而 先生則

獎接惟恐弗及殆所謂道德文章足資四方人士薰染而

觀感者非與曩時梁馬二先生雖各以所學垂範末學而於文藝一道莫不以扶世覺民爲旨歸嘗曰文而無行縱工奚益今先生不心乎世俗榮利憂時閔物發爲詩歌感慨自負忠憤無窮風節益於以見其於趨蔚所受眞潛罕營之旨蓋有合焉嗟夫先生少負高才而不克大用於世而徒以音韻文言栖隱幽邃其志良可悲矣趨蔚不悲先生之志而深慨世變之危急念二先生音容雖邈猶幸得隨先生之後追詢當代舊聞領受緒論以趨學而信道年垂五十淺薄滯拙俛仰身世冀先生有以進之因書簡末乙亥春衡陽劉趨蔚

武陵廖維勳允端

伯陽強著書函關騎青牛莊周隱漆園寓言逍遙遊哲人哀道喪言詞婉九丘關子濟世才敷政定優優豈曰耽嘯傲悲憫託吟謳卽以詩人論如君孰更儔前世陶彭澤今生章蘇州我誦載胥什長抱杞人憂陳此當諫書庶幾國有瘳

丹陽顏省也愚

先生高潔播人寰航海梯山樂往還大地精華成錦帙尊前吟獻對千鬟

四聲按譜妙休文八法臨池仿右軍經濟文章同白日功名富貴等浮雲

梅花香裏詩人兩海燕堂前好伴雙愛到畫眉添韻事吟成
繡口集新腔

高名清福喜連肩綺織雲章霽色妍同捷南宮稱不櫛年年
記取杏花天

破碎山河感不支眼前色相太離奇先生獨有陽秋筆曾鞏
文章杜甫詩

大局紛紛劫後棋中原國粹賴維持東鄰慣說同文種名媿
雞林來購詩

問誰肝胆輔蒼穹漢水翻天白下風豈是文章掩經濟扶輪
豪氣早如虹



京華桃李沐春風多少衣冠文化中幸托龍門堪自喜雲天
翹首待飛鴻

壽縣孫澄方頃波

堂堂詞筆出人寰領袖風流卅載間一代高才誰伯仲瓣香
低首屈翁山

花光南海長相憶碧樹燕雲舊有鄰風景一般留不得由來
白下屬詩人

穉園詩集題詞甯海章棧一山

當代詩家孰後先尾聲正不讓康乾甲辰同榜多名士拾取

驪珠屬少年是科二百七十
二人君年最少

福慧雙脩佛後身最難夫婦是詩人並時誰訂同聲譜龍顧

山房集亦新

郭端就提學詩詞集亦與其俞夫人合刻

格律嚴於中晚唐西崑酬倡遠相望可憐黼黻昇平手閒與

仙人話海桑

事去名才無奈何難將坏土障潢河行年未老哀成集已主

詞壇博雅科

話義弟自北平以穉園詩集見寄奉題二首寄話義且

介關穎老

番禺賀 耜無庵

淅瀼驚流衆壑奔此才晚近不堪掄嶺南間氣文章久日下
詩名泰斗尊吾土十年歸故好鉛鄉一集卷俱繁世人拭目

看徐淑倚馬猶能賦萬言

瓦釜爭鳴百態奇中原文獻至今衰扶輪大雅公猶在攬轡

澄情事或宜樊榭天才能造派杜陵吟望每憂時荊州未識

吾行老夢逐春明萬柳絲

題穉園詩集

本龍吟

北平張 瑜郁庭

此生聊遣無涯詩人麗則非無意浮沉宦海甘鹹嘗遍一般

滋味大好江山纖兒撞破且裝癡醉任攬勝遐荒拓開奇境

丘與壑爲胸次更有鉛鄉堪寄放清吟遂將初志江雲蘄

樹還勞築社文章鼓吹陶寫中年世情都淡干卿甚事却心

肝嘔出一囊詩藁抵三朝史

讀稊園主人詩集

閩侯黃 穰莘私

風月平章只自娛等身著作豈區區知幾學識原良史子美
才情異腐儒却爲詩多輕萬戶佇看紙貴匹三都詞人例有
湖山福非戀江南仕宦途

奉題稊園詩集

常熟楊 圻雲史

直從五季話開天郎署清寒事惘然今日已無王定保何人
撫拾舊詩篇

湘水重逢湖草青巴邱舉酒當旗亭雲夢八九氣猶在化作
清詩飛洞庭

過江名士多如鮑君獨還遊燕趙間應愛太行蒼翠好江南

江北本無山

白社詩人海內矜青溪風物費沉吟六朝初賦餘枯樹省識
蘭成去國心

題稊園主人詩集

西平陳銘鑑子衡

嶺南騷客仰稊園十載過從氣誼敦鐘鉢聯吟傳日下滄桑
變局溯貞元靈光歷劫終難掩硬語橫空總可存萬事等閒
詩價重羨君平步作家門

稀園詩集之一

小園集

楊鍾義



市



公館



魏國集

魏國集卷之十一



序 荆南有魏國集卷之十一

嘗讀諸葛武侯梁甫吟詠晏子殺三士事直質無奇以視魏武詩跌宕超越似弗如也及讀陳志孔融荀彧楊脩三傳皆心繫漢室爲九錫之梗者乃知所謂殺三士者意在此乎武侯澹寧志遠旨深而辭約使魏武覽之無惡也同學關子穎人持志而行恆擯聲色之娛篤於倫紀治公如治家每覽山川歷名勝輒紀以詩時發擣其襟抱雖蒙險難無改常度凡所爲詩溫雅而不迫切若不經意無所規撫若梁甫吟者然彼自矜跌宕超越者殆不及也余竊悲夫一國之士會逢餘閔秉國鈞者動引以爲名高若魏武之慨慕周公形諸詠嘆

吐哺下士初非無公天下之心也一時四方豪俊多樂與之
游謂可宗以致太平庸詎知羽翼既成懷德與畏威者相引
為曹襲九錫之殊榮踵勸進之隆典昔所謂公天下之宏願
不敵其家天下之侈心有如漢三士識微抗俗擯邪謀以固
邦本者陰賊之摧抑之關其口而奪之氣甚且造作語言與
大獄以箝制異己之口緹騎四出如鷲鳥之將攫道路以目
相與咨嗟太息超世之傑懼為三士之續希蹤武侯苟全性
命於亂世而已先子讀史嘗謂魏武能轉敗為功自信其更
事之多儻能容納孔荀楊之直亮豈獨三士之才哉內亂禦
外侮而有餘海內英傑皆于于來歸并力壹志得永永固禹



甸而吳蜀之疆域可以不分國運之隆可計日而待惜其外
欲智昏身為福先禍延家國止戈為武魏武於是不武矣魏
武已往吾恐有繼魏武而起者惟澹於榮名可以不殆爾小
子其識之廉持此誼以從穎人游穎人方領京漢路局事予
為記室不違親旨穎人築室京師侍親從兄與諸友結稊園
詩社月必數會予資以為樂有終焉之志乙卯六月五路參
案起是時掌路政者主持民意不欲變更國體彼挾魏武非
常之志者慮梗大計如三士之所為乃作威肆虐於在位執
事于時國事益紛錯而不可理矣穎人牽連去職閉戶自專
小園集諸什適成於是時抱膝長吟得風人不怒不傷之旨

人言諸葛君真名士哉殊令予遐想不置云甲戌四月湘潭
翁廉拜序

[Faint bleed-through text from the reverse side of the page, including characters like '詩', '賦', '歌', '行', '樂府', '律', '絕', '五言', '七言', '八言', '九言', '十言', '十一言', '十二言', '十三言', '十四言', '十五言', '十六言', '十七言', '十八言', '十九言', '二十言', '二十一言', '二十二言', '二十三言', '二十四言', '二十五言', '二十六言', '二十七言', '二十八言', '二十九言', '三十言', '三十一言', '三十二言', '三十三言', '三十四言', '三十五言', '三十六言', '三十七言', '三十八言', '三十九言', '四十言', '四十一言', '四十二言', '四十三言', '四十四言', '四十五言', '四十六言', '四十七言', '四十八言', '四十九言', '五十言', '五十一言', '五十二言', '五十三言', '五十四言', '五十五言', '五十六言', '五十七言', '五十八言', '五十九言', '六十言', '六十一言', '六十二言', '六十三言', '六十四言', '六十五言', '六十六言', '六十七言', '六十八言', '六十九言', '七十言', '七十一言', '七十二言', '七十三言', '七十四言', '七十五言', '七十六言', '七十七言', '七十八言', '七十九言', '八十言', '八十一言', '八十二言', '八十三言', '八十四言', '八十五言', '八十六言', '八十七言', '八十八言', '八十九言', '九十言', '九十一言', '九十二言', '九十三言', '九十四言', '九十五言', '九十六言', '九十七言', '九十八言', '九十九言', '一百言']

[Circular seal impression]

小園集目錄

梁節庵年伯見贈鴛鴦湖菱卻寄

為徐容舟洪題阮文達靈隱書藏紀事詩真跡後卽和原

韻

新構小園甫成將招諸公賦詩落之先成四章索和

附和作

穉園新成諸公惠臨賦詩分得麻韻

題周養庵篝燈紡讀圖

端忠敏公殉難三週年忌日設祭柏林寺感懷往事愴然

有作一百韻

藏山年伯以抗風軒圖見贈並屬題詩因感往事

冬日招樊山杏城實甫芝山諸公集梯園小飲席後賦呈
樊山

樊山以小花朝雪入暮轉盛二詩見示翌日雪霽奉和並

誌連日宴集之况以下乙卯

附原作

三月三日修禊十刹海分韻得帝字

小西天觀隋唐以來石經歌

抱存瘦公諸君招法源寺觀花是日樊山與春榆子蕃劍

侯約集梯園作詩鐘緣是易期已而遲樊山復不至以

初

詩訊之

與羅瘦公博羸梁貞銘必胡子賢祥麟張魯恂昭芹黃孝

爾覺文開黃晦聞節家兄吉符遊西山宿潭柘寺分得左

字

琉璃河至長溝鎮道中口占初冬晴頗呈野之穠

小西天題望

初到雲居寺

宿雲居寺雜詩

自雲居寺歸途中蝶戀花

與羅瘦公楊昫谷家兄吉符同游石經山宿雲居寺聯句

贈日本旅行人菅野力夫

京師正陽門拆毀甕城得崇禎二年鐵礮作歌紀之

張子幹伯楨以篁溪歸釣圖題詞見貽戲題二絕

壽金息侯同年梁母錢太夫人七十

壽邢冕之同年端母劉太夫人七十

伏中飲南河泊泛舟賞荷分得冬韻賦呈履之蔚如翼牟

並樊山實甫諸君

雨中游清華園卽事

游黑龍潭遂至溫泉

壽徐慕初象先尊人班侯侍御胡太夫人七十

題徐容舟所藏黃忠端公墨蹟長卷

挽葉玉甫亡姬陳氏八首

挽王湘綺閩運

佳人行

傀儡謠

儒冠

鬻所乘馬車感賦

廐馬俄國產駕車六年矣賤價鬻之傷感成詠

灌園

一飽

驟貧

粵災歎

颺風行

耽吟

銅士錄示與龔叔明夫人卜居杜廡病中書懷之作寓意

良厚卽用其韻

詣曹

歸家

復訊

中秋待月

初

觀嫦娥奔月新劇戲作

早起

公園晚步

戲示內子

園後新闢隙地雜種菜蔬瓜豆蘿蔔花生之屬均實可食
爲章曼仙華題先德銅官感舊圖

夜讀

九月二十五日飛蝗過京師自西北往東南逾時始已

重陽日不出

王涓生秉權聞余訟累知近况貧窘遠寄銀元三百爲舉

火貨雖違不受人憐之心彌有能知我貧之感覆書辭

謝並繫以詩

和黃晦聞樓陰二絕句原韻

惜陰

訟事初起豫計中秋前後當了遂與友人約謁孔林並赴

杭為西湖之遊歸粵攬羅浮之勝忽忽三月案懸不結

天氣漸寒游興頓沮為之憮然

霜葉

寒暑詞

朱瓜結實纍纍數百枚霜降後摘饋親友留其絕大者供

之几案間

輓座師陸文端公

壽譚篆卿祖任母許太夫人七十

壽吳綱齋士鑑尊人子修年伯慶坻母花太夫人七十

不寐

出處

和晦聞過公園看菊韻

擬章蘇州難言易言

難言

易言

署供

賦雪

庭鞠

客問

梁燕孫宅中聽粵東諸友人合樂

和樊山秋柳原韻

壽樊樊山七十

壽趙劍秋椿年尊人元直太翁七十

與諸公攜酒賀楊瑟君新居

生日



賀王子琦廷璋新居

宣判

病腦旬日內子苦諫觀書釋卷枯坐復不自聊作詩遣悶

不知吟詩與觀書孰與病增減耶

被議以來不預外事報章有謬傳余列名勸進致深惜之

意者戲成

晦聞見讀近詩頗以懸懸於訟事為嫌因答

附和答

重答晦聞

肇方生 以下丙辰

...

...

...

...

...

...

...



不

小園集

梯園詩集第十種

...

...

...

...

...

成是編名之曰小園集

起民國三年九月即夏歷甲寅七月訖民國五年二月即

南夏歷丙辰一月凡詩一百十九首聯句一首詞一闕附錄

詩四十七首

梁節庵年伯見贈鴛鴦湖菱卻寄

南湖秋老采菱天，珍重分攜一握鮮。
舉世淤泥能獨潔，向人稜角不妨圓。
寄錢未遣逋仙札，謝賚慚無子慎牋。
卻爲生靈愁易碎，幾回卽物感齊煙。

爲徐容舟洪題阮文達靈隱書藏紀事詩真蹟後卽和

原韻

泉稷讀何書，古文日星爛。後人博寡要旨一，詞相萬歷朝。
藝文志標目，亡秦半經時。自銷滅，豈盡由佚散。遂令藏書家，浩淼苦無岸。
儀徵挺世才，博誦盡東觀。擇地靈隱巖，書藏此中。建搗呵鬼物，護籠致馬牛。
汗分廚訂規約，紀事付詞翰。殷勤

08116

愛古意定香留論，難著述刊諸家。時賢詎冰炭，研經精校讎。

公遠於經所著
名研經堂集

修書勞點竄

公有修書圖

昔聞曝書亭，埵南委落溷。殘址

倡重修，展圖恆永歎。亦聞天一閣，書日久凌亂。給胥俾編草，羣籍始條貫。凡茲好事心，言之破愁悶。誰知西湖上，復此發宏願。泉冷峯飛來，勒詩立公案。持此壽名山，固應操左券。我亦憲藏書區，區那足算何來此。墨妙珍重獲，飽看頻年古籍淪。嗟惜動輿論，輦金贖海外。奔走飢忘飯，微聞范家落萬卷。又冰渙

新構小園甫成將招諸公賦詩落之先成四章索和

索米長安宅，屢移卜居誰。寄草堂，貲沃洲。未買身難隱，江水

能盟世豈知繕屋經年遲李沆橫流何處著王尼聯牀風雨
無多願卻記河樓夜讀時

謂廣州故居

禁城人海好藏身樓殿參差日月新開徑莫尋張仲蔚買隣
須傍呂僧珍蒔花隔院通泉脈啼鳥彫笳藉草茵惆悵飛虹
橋畔路故宮東苑幾成塵

登臺極目遠山低林外嵐光一髮齊百尺賓朋牀上下兩頭
兄弟屋東西

仲兄吉符居西頭

開窗老樹連書幌發石虛亭接藥畦且

喜詩人衡宇近可無珠玉入新題

吳綱書楊諤君並在鄰近

臘鼓聲催急景收繞牆一曲壓寒流修椽社燕安新幕殘照
城鴉起暮愁不爲畏人宜小築

杜詩畏人宜小築福性合幽棲

偶然作戲豈菟裘

陸詩買屋數間聊作戲豈知真用作菟裘

朝來雪霽梅初放準備羣公載酒遊

附和作

霸縣高步瀛闕仙

高標甯與世推移百萬聊輸買宅貲魯國爰居風可避堯
年老鶴雪先知挂瓢未許逃巢父坐席何妨煖仲尼會讀
君家花萼集聯牀風雨苦吟時

萬樹寒梅寄此身不隨桃李炫時新關疆蠻觸雄蝸角進
職螺螄署海珍蓮社且尋元亮酒屬車敢污少卿茵自憐
顛顛京華客三載緇衣已化塵

自讀新詩首屢低弟兄坡穎大名齊小山叢桂思江左

陸游

詩語到淮南小山作人如江左永和年

白日飛薨屬鎮西四壁梅花環紙帳三秋菜
甲擷霜畦園林即景供雕刻驅遣烟霞並入題

情懷如海浩難收壇坫風騷納衆流清夜寒山鐘入夢高
樓藝市酒澆愁論文喜見延陵子得友甯忘樂正裘轟飲
平臺拚一酒共祛六鑿與天游

江西趙惟熙芝山

守邊八見歲星移返轡猶餘酒賞燕市挑燈招舊侶騷
壇解屨訂新知醇醪我醉周公瑾雅望人推蔡子尼山寺
鐘聲催臘盡

園中附設寮山詩鐘社

尋詩莫負早梅時

大集航航早等身清詩猶自逐年新每開東閣迎逢掖小



築西園榜鍊珍

君家施人治鍊精

白戰但催僮擎鉢醉眠不厭客汗

茵朝來賭韻珠誰得白玉輸君九斛塵

廣榭平臨女堞低危臺高並太行齊階餘朔雪梅舒臘庭
有東風柳向西小關池亭都入畫新栽松菊旋成畦款門
兼索元方話客到應無鳳字題

耘業難謀歲晚收五陵衣馬愧時流平原蔓草江淹恨隴
水關山庾信愁食肉幾曾逢燕領行沽莫惜典貂裘隔籬
如喚鄰翁飲

謂網寮瑟君諸子

我願從君秉燭游

恩施樊增祥雲門

名園小築瞰南池庭砌芳蘭間玉芝二月梨桃催庾信一

能盟世豈知縑屋經年遲李沆橫流何處著王尼聯牀風雨
無多願卻記河樓夜讀時

謂廣州故居

禁城人海好藏身樓殿參差日月新開徑莫尋張仲蔚買隣

須傍呂僧珍蒔花隔院通泉脈啼鳥彫斂藉草茵惆悵飛虹

橋畔路故宮東苑幾成塵

登臺極目遠山低林外嵐光一髮齊百尺賓朋牀上下兩頭

兄弟屋東西

仲兄吉符居西頭

開窗老樹連書幌蝨石虛亭接藥畦且

喜詩人衡宇近可無珠玉入新題

吳綱齋楊誌君並在鄰近

臘鼓聲催急景收繞牆一曲壓寒流修椽社燕安新幕殘照

城鴉起暮愁不爲畏人宜小築

杜詩畏人宜小築福性合幽棲

偶然作戲豈菟裘

不

陸詩買屋數間聊作戲豈知真用作菟裘

朝來雪霽梅初放準備羣公載酒遊

附和作

霸縣高步瀛園仙

高標甯與世推移百萬聊輸買宅貲魯國爰居風可避堯
年老鶴雪先知挂瓢未許逃巢父坐席何妨煖仲尼會讀
君家花萼集聯牀風雨苦吟時

萬樹寒梅寄此身不隨桃李炫時新關疆蠻觸雄蝸角進
職螺螄暑海珍蓮社且尋元亮酒屬車敢污少卿茵自憐
顛頽京華客三載緇衣已化塵

自讀新詩首屢低弟兄坡穎大名齊小山叢桂思江左

陸游

詩語到淮南小山作人如江左永和年

白日飛薨屬鎮西四壁梅花環紙帳三秋菜
甲擷霜畦園林卽景供雕刻驅遣烟霞並入題

情懷如海浩難收壇坫風騷納衆流清夜寒山鐘入夢高
樓藝市酒澆愁論文喜見延陵子得友甯忘樂正裘轟飲
平臺拚一酒共祛六鑿與天游

江西趙惟熙芝山

守邊八見歲星移返轡猶餘貰酒貲燕市挑燈招舊侶騷
壇解屨訂新知醇醪我醉周公瑾雅望人推蔡子尼山寺
鐘聲催臘盡

園中附設聚山詩鐘社

尋詩莫負早梅時

大集航航早等身清詩猶自逐年新每開東閣迎逢掖小



築西園榜鍊珍

君家庵人治鍊精

白戰但催僮擎鉢醉眠不厭客汗

茵朝來賭韻珠誰得白玉輸君九斛塵

廣榭平臨女堞低危臺高並太行齊階餘朔雪梅舒臘庭
有東風柳向西小關池亭都入畫新栽松菊旋成畦款門
兼索元方話客到應無鳳字題

耘業難謀歲晚收五陵衣馬愧時流平原蔓草江淹恨隴
水關山庾信愁食肉幾曾逢燕領行沽莫惜典貂裘隔籬
如喚鄰翁飲

謂網齋君諸子

我願從君秉燭游

恩施樊增祥雲門

名園小築瞰南池庭砌芳蘭間玉芝二月梨桃催庾信一

時裡柏取蕭巖閒臨丙舍三行帖分賦寅菴七字詩移得
花源禁城裏等閒莫遣外人知

寒山社裏主人翁弟解西頭兄解東車馬殘年填巷雪

勝園詩會君有
夜歸遇雪詩樓臺正月試燈風牡丹黃欲驕仁浦詩戰君
屢得元荔子臘去

紅應奪亮功南北英才湖海士占星都聚草堂中

龍眠妙墨寫園林斜帶皇城紫禁陰金闕觚稜雲裏見檀

橋瓦屋雨中深春尊北海無酸酒晚穉西山入苦吟欲識

上京壇坫盛翁單溪孫退而後到如今

北臺集裏數前游西幸而還十七秋已亥庚子間余參榮文忠
公幕專居北池有北臺集過去

難忘宣武幕此來重倚仲宣樓芳馨楚窟兼秦窟門望麟

洲接鳳洲老去香山才筆退寶家花萼在前頭

祥符金葆楨實齋

詩來葛令道家移隣買真堪直萬貲路熟東華廬自愛坊

名豆腐巷誰知徑開彭澤陶元亮望重陳留蔡子尼最喜

落成高會日當頭正見月明時

萬人如海此藏身關得名園結構新裴度堂開名綠野祖

常梅徙號南珍微風吹草檠書帶好月移花上錦茵到此

別鏡清趣味翛然不染庾公塵

亭臺高踞遠峯低積雪欹松一望齊別墅遙連黃闥遠禁

城還在小樓西何詩官閣梅千樹庾賦天寒菜一畦林水

翳然吟興助主賓風雅各分題

西山爽氣望中收漱玉泉聲檻外流境雅何勞書破悶心安不借酒驅愁賦詩爲樂王摩詰有友知名樂正裘應笑劉麟虛願託神樓但向畫圖游

閩縣陳振家銘侯

園居選勝喜新移杜老堂成不計貲雁塔榜花名士貴雞林詩價買人知耆英倘續文丞相郡吏爭傳蔡子尼他日春明坊畔宅料應僦值倍當時

神仙生世玉溪身詩酒餘閒結構新啓篔簹山林通路政補苴文化數家珍城東絲竹開游讌花下琴尊坐落茵千萬

買隣思季雅高臺何日接芳塵

蓬萊住近五雲低仙吏風流孰與齊當世文名傳日下今朝詩夢到堂西縱談風月花三徑閒課陰晴竹一畦却喜平泉修記日定知掃石有新題

如此樓臺俗慮收東南賓主盡名流蘭亭修禊宜行樂輞水吟詩好散愁吏隱林泉新甲第騷人文采舊弓裘芳園桃李張春宴秉燭高談快夜遊

湘潭翁 廉銅士

海山深處已情移尙負林逋豢鶴貲一誤投驍天欲笑未妨賣藥婦爭知寓言臧穀蒙莊叟評議殷周魯仲尼依舊

屠蘇更漢臘遷喬况復太平時

激昂盈尺寄閒身古意今情物我新觀止澄心論水鑑鑽
貧種學數家珍素餐笑客歌懸特虛受容人醉吐茵居傍
南池儼廉讓西瞻甘石隱珠塵

崑嶽泰岱判高低物化能教物論齊只共天人辨真妄不
知耶孔界中西河陽已種花千戶彭澤還栽菊一畦廡下
肯容偕隱否五噫何似五雲題

西山北闕望中收宴處超然接上流漢苑朝陽分曉色彭
城夜雨散詩愁謫居誇勝微之宅兼濟豪多白傅裘我愧
爲賓莫爲主花時沽酒一來遊

泗州楊毓瓚 瑟君

早識元方與季方比鄰風送紫荆香素心晨夕陶潛樂青
眼分明阮籍狂春定先歸池上草年來同見海生桑苑牆
寂寞園林外記得詩人背郭堂

東冶郭曾忻 春榆

陵谷滄桑看變移幾人辦得買山貲高蹤朝市猶堪隱樂
趣濠梁祇自知食字生涯餘脈望營巢心事訊芻尼浣花
晚作誅茆計長記經營斷手時

龍漢休論劫後身無邊風月總常新章家花樹傳芳牒鄴
架圖書盡祕珍礙步早教除棘刺行吟隨意坐苔茵紅牆

咫尺疑銀漢隔斷官街十丈塵

引泉疊石稱高低浩蕩天懷物我齊
選勝舊聞編日下消閒雜志補槐西
迎賓是處堪通驛涉世無機付灌畦
多少道旁名利客到門凡鳥敢輕題

唱疇都入錦囊收王後盧前數輩流
卜築居然小秀野廣騷漫擬畔牢愁
連牆况有交輝尊萬室從嗤反衣裘
人境結廬心自遠不須更羨采真游

番禺石德芬星巢

避地金門歲月移田園歸去尙無資
略營樹石娛親志偶借琴尊集故知
種竹漸鱗添稚子出林送喜有芻尼
笑他

坡穎難同老虛憶連牀夜雨時

算是乾坤定後身立春十日歲華新
園林觴詠時相過金玉文章各自珍
詩伯讓君開壁壘酒狂容我吐車茵
主賢膳美賓朋聚那管寒衝九陌塵

不有宣城首漫低二三豪俊古難齊
楊孚舊宅禺山麓杜老新居灑水西
大地風花寰宇記小園寒菜庾家畦
畦無拳何力搥黃鶴崔灝詩先在上題

酒抱吟懷盪不收嬾殘無意結時流
名園花鳥圖中笑故國荆榛笛裏愁
壇席山林同軌轍詩書門第自箕裘
浮生值得春宵醉付與青蓮秉燭遊

前作意有未盡再呈一章

石德芬

尊公當日同京旅席帽柴車各憔悴轉胸風花三十年有
子娛親營別墅老圃黃花晚節香當階紅藥春風醉百鳥
巢林感及烏諸孫列筍森生翠余復流轉來燕京浣花小
築剛落成東南會讌美賓主坡穎聯牀賢弟兄流水知音
得琴趣寒山結想尋鐘聲金門大隱亦佳耳夢餘箸錄留
春明

山陰劉敦謹厚之

喬遷好共遠梅移買宅何須百萬貲並壽椿萱家慶篤後
彫松柏歲寒知詩人管領王僧孺名士風規蔡子尼肇造

邦基觀建築公才今日足匡時

執玉生平重此身蓮花自愛出泥新避居詎是池中物

現在南池口內待聘誰知席上珍綠竹分陰仁比里

茁秀蔭成茵

應兩頭兄弟屋東西之句

芳園逸趣鏡泉石離垢應無半點

塵

登臨巍閣覺天低四望迴環雉堞齊絳闕回看高峙北碧

山遙對爽來西識君廉可盟秋水笑彼勞常病夏畦旋馬

能容宜有客尖叉門韻夜分題

四壁丹青一卷收輞川逸事溯名流酒籌交酢時尋樂花

債堪償豈買愁竟下陳蕃當日榻不慙季子舊時裘文心

莫步雕龍技媿列騷壇逐貴游

蒲圻賀良樸履之

檻外雲山自可移壺中風月不論貲陶潛開徑期三益任
布登堂署五知元圃凝輝誇積玉廉泉有色綴摩尼幽棲
恰近長安市妝點春光要入時

寒山累爾苦吟身文酒於今醺集新種竹涓川宜北牖移
梅江介數南珍池蛙列部添繁吹宮燕銜泥落舞茵韋杜
去天纔尺五東風爲逐路旁塵

五龍浮翠壓簷低雙鳳流丹與案齊二陸聲華馳錐下大
蘇歌唱擅關西門延佳客三千履園列羣芳百二畦稊米

太倉仍自晦莫從數尺認榱題

山河舉目淚痕收看盡人寰第一流庾信有園成小隱揚
雄築宅寄牢愁歡顏應闢千間厦好句堪聯百結裘行樂
敢辭金谷酒媿無佳詠伴清游

江都李濱古餘

毓靈獨秀慕高姿風雅中衰賴主持得地樓臺都入畫闌
門賓客盡能詩劫餘再續名園記意曠勤披秋水辭重到
春明華表鶴曾陪韻士泛瓊卮

金谷平泉漫溯洄此間佳趣共徘徊登臺長嘯孫公樂識
面新編海岳推宓屋飛翬饒近景

園近臺史歲說文
宓屋所容受也

衛珠照座屬

清才寓言倉稊何曾小

稊古今字爾雅注音帝疏引莊子若拂米之在大倉

化作詩城綺思

裁

稊園新成諸公惠臨賦詩分得麻韻

乾鵲聲喧日未斜
聯翩戶外客停車
室移尊酒開三徑
春遣垂楊作兩家
數武堂坳容庾信
幾人冰柱和劉叉
明朝更訂重來約
別賦新詩寫歲華

題周養庵篝燈紡讀圖

周侯至性天下無
終身哭母眼欲枯
一十三年痛定痛
忍淚復展篝燈圖
憶從先世度服領
兩家伉儷初歡愉
宦游日飲欽江水
政績時還合浦珠
一朝瑤釵股忽折
間關涕淚留妻

琴空山拾椽苟視息
風塵奔走徒飢驅
門戶支持仗健婦
衰宗復振期遺孤
辛勤十指補膏火
嫁衣典盡償催逋
齏鹽料理病孱弱
冰蘖茹苦忘艱劬
一身慈母兼嚴父
斷機課讀昕宵俱
罡風橫吹女貞落
中年竟奪天無辜
春暉寸草恩未酬
兒今鼎貴母已徂
我讀圖記重嗟吁
何人丹青工描摹
恍然斗室聞伊吾
阿孃上座傍女嬃
休鷓夜叫天雨霜
羈鳥失侶門上呼
燈影搖搖黯無燄
機聲軋軋以于母
織未妨手皸瘰
兒讀莫言口卒瘁
秋蟲隔壁隱應和
庭樾撼響寒生膚
淒風冷雨年復年
堅貞苦節罹憂虞
嗟哉金護忽顛顛
致身不早空雲衢
藐孤成立幸瞑目
百年如夢真須臾
我有良言君

記諸兒時手澤猶存乎急檢塵籠灑庭除紡車在室楹有書
葛燈短檠棄牆隅以此數物陳紗櫥留與君家爲楷模世世
永寶慎勿渝

端忠敏公殉難三週年忌日設祭柏林寺感懷往事愴

然有作一百韻

寒日薄虞淵嚴霜摧百卉驚鳥避高枝宿葉飄荒砌驅車城
東隅言尋柏林寺路人相指目往事多歎歎危邦性命輕俊
才造物忌愴懷時序更舉目山河異憶從乙巳冬列邦諏政
治旌節隨雙鹿園周而大地歷聘載國書揖讓列槃敦時從
離宮游輒窺武庫秘

海陸軍事向禁參觀此行得觀一二特例也

於時幕府才並爲公輔

器劉

若熊希齡

參帷幄伍

光建施

肇基佐專對鄧

邦逆關

嫺文學

姚

順廣舒阿清

曉武備龍

建章陸

宗與高

謙而岳

儔乘時並鼎貴留

學多駿材所至復鱗萃

謂陳毅馬德潤張煜全王建祖施愚王繼會等

賤子最不才載筆媿

疆記采風贊輶軒繙書盈篋笥侍公辭往復盱衡籠萬彙世
隆善清談文舉能嘲戲靜言思昔遊瞥眼如夢寐歸來陳國
政侃侃抗廷議濟時了宏願借籌關大計節旄南京還鎖鑰
北門寄四國仰羽儀一堙忽顛蹶青瑣隔朝班落其歎蕪穢
蒼生祝起用材大難終棄庸知七尺軀卒爲一官累仙侶憶
同舟頻年各分袂日下談瀛圖雪泥凡六誌半畝借園林

園爲麟見亭故宅實僚集此爲最後之會未幾而載文誠逝世矣

西山挹濃翠

罷官時居西山歸來卷久之

猶記清宵謙賓

僚競露醉吳漢若敵國對壘疆人意

謂吳後貞爾時嗜飲各將一軍今墓草俱宿矣

騰觚罄

無算勝曹彌自憙為樂會幾時盛會不可再軒然大波起爭

路國如沸一朝膺簡命晨征催羽轄盤錯詎不知忠節義難

避而我未議參終辭廣廈庇

督路日呈身乞用者門庭如市獨以余與王君孝純熱川專漢路事商之部延致助理已而余不克從幸

險於

中原匝月烽火鏃竟天彗霖雨正郎當秀支方替戾蠶

叢逼艱險羝藩窮退遂微聞事變始日夕用循慰慷慨同袍

澤丁寧足醪糒共知祖豫州恩施及賤隸何期劉越石親信

遭反噬道塗皆荆棘肘腋森殺氣間關藉寇兵倉卒易漢幟

咫尺斷聲援部曲忽離貳吮血齒狂刀風日晝露晷孰云有

天道謬稱非族類可憐入蜀時新命過郵遞九重方嚮用一



瞑恩未逮

訖臨終時不知有督川之命

吾弟

弱冠年夙荷青萍契征西羽書遲

涉冬星駕稅軍心猝譁變客途久跋蹙三旬成都居千里長

江至所親驚老瘦妻孥怪猶在為言西行苦涕下不可制伏

莽竊名號生靈恣斬薙凶耗述傳聞言之已酸鼻四海同太

和一旦消浸診知識訟慘冤先朝錫褻歸元尚中梗招魂

竟何麗誰馳朱瑒書或鳴鑾布義升屋舉衣冠鏡膚訪駭齒

千村哭新鬼萬里歸車榭客秋過漢皋啓殮將加襚一室雨

幽咽雙函地深瘞碧血蝕土花赫然辟蠅蚋

公兄弟歸元後分貯煤油箱中醫藥京漢鐵路江岸

材料廠內余適至漢閱廠因借黃君開文冒雨臨視則廠隔木室為雙顯葬地室故更夫住所淺隘不可入循視一周不禁惻然命廠役嚴謹守衛而已

撫棺缺一慟忽

忽總余轡

時公弟仲綱將管合殮即就材料廠假餘地備將事而余以事過歸北京不克留送翌日行矣

今年遊百泉道流引

相示淒涼餘土墳寂寞無標識康節此比隣夏峯宜把臂爾
時一憑弔彷彿覩靈輿

公家在蘇門山百泉遙西越龍數武得之其地在仰康節孫夏峯二稱之後歸然並峙不立碑碣道人云暫葬以俟擇地也

我生性孤僻賓座罕參詣豈期公身後俯仰頻涕泗重登黃
鶴樓白雲耿孤逝

公在鄂嘗捐萬金修黃鶴樓

遺愛留荆襄每來動遐思公精

金石學陶齋廣藏皮古文埃及摹崇碑華山架纂輯歐陽編
點竄堯典字豈緊嗜玩物聊以遺好事願言設崇館奇珍不
自閔何時突兀見眼福倘能慰英英汝州君追從亂離際凶
徒無漏刃急難空求代阿兄風流盡同命稱死悌浩氣歸太
虛凡骨焉非蛻忽忽歲三周永思無時既素車雜還來遲公
一觴酌昔聞崔光州營齋荐故吏亦聞羊叔子立廟羣饗祭

濟濟况舊僚平生念風誼山邱感零落京華賸憔悴虛隨奉
使槎實下聽猿淚權書老杜詩懸之素幃次兩公如有知重

泉應感喟

考察政治之行凡八閱月戴文誠公薨余以奉使虛隨八月槎求屬一成句作晚聯公為俯思久之未得今公遭難獨中上句聽猿實下三聲淚亦復相合可謂天然晚

詞矣歸來北方招舊鄉倘臨晚再拜瞻殿墀人間此何世靈風
來颯然庶幾歆薄醴

藏山年伯以抗風軒圖見贈並屬題詩因感往事

前日抗風軒裏事一秋高會散如雲衣冠洛社今何世涕淚
新亭賸此君頻辱鉅公過李賀得交父黨媿陳羣十年坐負
尊鱸約留待南園補舊聞

冬日招樊山杏城實甫芝山諸公集稊園小飲席後賦

呈樊山

東華塵擾衣冠歇南內城深殿閣墟地為明南小城樊宗所居亦名南內不盡登臨懷

古思都來慄慄苦寒初彌天雪意山沈寂入夜詩情酒破除

是日作詩鐘省識京曹十年事北臺風月較何如

樊山以小花朝雪入暮轉盛二詩見示翌日雪霽奉和

並誌連日宴集之况以下乙卯

說詩醉酒憶連朝用白詩戰罷羣龍冷未消梅萼添肥香不減月

華文映筆能描樊山歸去作雪月吟一首御溝流急催新漲畫閣簷低碾屑瑤

誰道袁安獨高臥藥爐深伴雪兒嬌抱存以姪人病不至以上三月十三日事

霽色千門玉勒驕初陽眼顯逼窗綉營巢尙顛銜芹燕入市



重煩換酒貂春事花城遲百卉夜吟樺燭盡三條諸公臺省

無多暇莫為泥塗許放朝周少機楊杏城皆至上詠十四日事

附原作

小花朝雪

樊增祥

一簾微雪作花朝余乙亥舊句四十年來跡未消春殿衣花今宛

在御河眉葉不勝描孤寒眠夢思鹽絮金碧樓臺換玉瑤

別奏綠章求晚霽祇因無奈海棠嬌

入暮雪勢轉盛

樊增祥

膝巽諸郎意態驕龍宮碎翦白鮫綃奇寒尙有能言鶴輕

煖原無不足貂榆柳五城將禁火時寒食將近梨桃二月尙封條

百花生日東皇笑特勅瑤臺罷晚朝

三月三日修禊十刹海分韻得帝字

古人濯袂逢嘉辰自周以來有春禊執蘭三月本鄭俗曲水
一祠盛漢世初旬巳日巳者社舊之取義寓禳祭不知何意
改重三元已顧名近疣贅相沿晉宋備掌故君臣歌舞樂融
洩魚龍百戲陳雜沓車馬九衢逐鱗切張華後園陪世祖王
導連騎從元帝樂遊顏既妙作序鳳光沈亦工應制此皆令
節供宸遊風浴民間寂無繼自從蘭亭一觴詠始與文人開
先例後來朝賢競好事傳集勝流歲復歲前年梁子執牛耳
賓從西郊憶聯袂名園高譙非水涯本義稍嫌相鑿柄今年

禊

禊

樊易主風雅諸子聯翩有同契城北陂塘春水生折東延賓
應時蒞驕陽乍斂天氣清煙織平林風轉蕙撲人山色青欲
浮倚檻波光綠無際菰蒲出水短沒葉鳧鳴狎人浴沿砌酒
家亭午掃除待連櫳洞闔恣談藝傳觴促席忘主賓擘牋分
吟備衆製舐筆關全復荆浩

座中能畫者至多

清言裴顛驚王濟永和

題名有故事省稱門閥具貫糸晉賢四十今倍之竭來儒雅

風未替此時俯仰獨深念坐視神州墟埃濁赤痍如血煽侵癘

時有猩紅

急東望海雲伏氛沴卻觀都市墟埃濁赤痍如血煽侵癘

托此微尚甯玩愒忽然噫氣轉蘋末吹花獵柳豁塵翳樓下

熱甚延

是均謚曰不祥物急與袂除逐波逝吾曹澆愁苦無地

八園集
湖波皺如織披襟視天暫晴霽酒闌日暮衆客散相將覓句
張侯第^{謂君}我獨歸途重有思兩度勝游均失計旣非流杯傍
山澗亦未湔裳近川滌不如預訂明年約要使臨流汎容裔
遠當解衣湯山試温泉近或昆明湖邊鼓蘭柅

小西天觀隋唐以來石經歌

君不見摩騰跋涉東方來身毒白馬馱經迴四十二章梵文
字一時繙譯藏蘭臺道安示寂羅什出智嵩法顯咸高才寫
成華言便誦習象教自爾彌宏恢一從拓跋降浩劫胡神僞
物歸燔煨香雲已共寶相散花雨不澹伽藍災宮中護法微
太子經論豈得留寒灰物極必反殆天道易世禁罔承風開

隋初佛書乃大出百倍六經盈九垓誰歟慮遠發宏願收拾
祕籍埋山隈靜琬禪師應時起大業初年此經始暫留四部
經卷在不共千秋陵谷毀世閒傳寫徒紛紛貝葉爲書膚爲
紙火焚蠹蝕胸息盡如蠟印空筆畫水流傳功德孰不朽惟
有石經遠無比遂招巧匠琢山骨兼倩文人書墨髓三車載
至塗孔艱一藏讀完功未已道儀暹法歷五傳世世相仍鏤
不止先成涅槃後般若十二部經刹那耳其間貞觀迄開元
尊崇內典有天子金仙帝妹捨經本遠近布施遂填委竭來
此地淪北朝莽莽中原隔尺咫頻叨御府頒帑錢屢動遊人
折屐齒幽州一旦留大觀巋然白帶東峯峙北來聞有小西

天約遊屢爽心拳拳性非佞佛但好古置身忽到雷音前

名堂

雷音洞

盤旋絕磴巨百步靈境在眼疑空懸剎山爲堂昏然黑

石扉洞啓浮雲裏中央彌勒笑不語端立覆手兜羅綿金瓶
玉匣舍利暗千佛雕柱煊華鮮就觀四壁字深刻姿態秀勁
波磔全唐碑完本今漸尠幸免淋炙及火然或云字體類松
雪疑本後建非其先惜哉經堂僅著此欲飽眼福何無緣寺
僧導我行喘息兼胝胼餘洞何所有石幢列目如珠聯五洞
左右勢相連二洞稍降臨崖邊鑿樞鐻鐵窺可覩片片腹背
咸雕鐫更穿二穴瘞碑石築臺建塔銘其巔僧言山下鑿井
七皆有經板沈重泉波旬魔力不敢犯風雷呵護垂千年

學書

佳記略云開則首風雷之變

巡巖讀罷三太息始服信徒真毅力儒家衛道能

幾人漆簡摧殘黯無色非無竹書出汲冢亦見秦餘藏魯壁
穴中石匣長不扁井底石函漈難識卽論石經諸故事熹平
以來數摹刻太學六經蔡邕置古文三體邯鄲勒至今海內
空絃歌豈復有人弔陳迹我聞岱宗經峪山之陽大字徑尺
鐫金剛弇州有弟作遊記評隲唐宋殊周章又聞平定崩巖
隱經石百廿六柱通天光道人失足墜不死摩挲終日飢疲
忘嗜奇我愛傳青主攷古我非王太常偶然來遊此坐臥欲
去不忍猶徬徨獨嫌七洞永幽闕無乃慮有好事攜取終淪
亡方今教宗信奉已同視古物保守日不遑何不一年一度

開洞縱觀著爲例撮取千百副本傳四方我爲此論當賦俗
但見頑石點首煙蒼茫

抱存瘦公諸君招法源寺觀花是日樊山與春榆子蕃

劍侯約集稊園作詩鐘緣是易期已而遲樊山復不

至以詩訊之

去年留春花如雪湘綺踞觚粲花舌羣賢聽講兀不動襟袖
紛紛落英綴湘綺南去樊山來今年花更爭先開名流百輩
集蓮社獨少元亮攢眉陪同時本訂聽鐘約預選良辰具栢
酌主人四傑有賓王種桃劉郎種樹郭夜來忽報丁香繁寺
僧祇怕遲芳尊一時賓客轉惆悵入城車馬皆南轅石壇日



暖松陰寂竹几風清茗煙碧花光十丈隱林梢香海沈沈歷
茵席晚晚齋堂塔影移品瓷讀書歸遲遲微聞隔面尋春客
偷向歌臺聽柘枝叢林從此添公案試與吾曹更判斷賭詩
已累看花忙惜花甯把徵歌換歌場已散花成塵惟有詩思
時時新請君補試如神筆莫令花枝空笑人

與羅瘦公悼蠡梁卣銘竒胡子賢祥麟張魯恂昭芹黃

孝覺孝覺黃晦聞節家兄吉符遊西山宿潭柘寺分

得左字

首夏月旣望炎織午如火行行指西山額汗足欲跛石徑萬
松合禪關亂雲鎖繚垣接迤邐岫巖聳岷峨薄暮見琳宇山

僧迎道左入門清風來蕭然失故我引泉繞方亭流杯此環
坐殷勤勸加餐蔬菽腹能果夜深百蟲絕涼月傍檐墮一覺
明朝噉起來洗塵堦精藍遍隨喜健談推炙輟妙嚴寶遺跡
牟尼供珠顆拜磚印雙趺黝澤深沒踝二蛇解聽法蝮伏尙
么麼有時倏變化海眼波潭沱亭覆斷拓在石甃銀杏夥古
柏參天直紅藥繞欄妥忽忽遽移晷少留悵靈瑣九峯隱屏
幃千竿掩霜笱僕夫告戒輿歸途志彌情再約重來期山靈
應報可

琉璃河至長溝鎮道中口占

桑樹雞鳴催客起麥田鴉過掠人飛貪行林樾枝妨帽偶憩

藍輿露上衣兩鬢山花游女覲千村社鼓賽神歸紆途數里
吾何恨一路遷延看翠微

小西天題壁

懸崖已分絕攀躋鳥道盤旋望屢迷雲罅乍陰微過雨石稜
半滑不黏泥洞中經刻千年在歸去煙嵐萬木低寄語衆生
宜努力此間真有上天梯

初到雲居寺

巖巒萬轉柏千章遠水潺湲渡石梁隔樹濃陰聞鳥喜落花
夾路賸泥香重門闌寂遲清梵雙塔參差隱夕陽有約經年
來苦晚不辜排日看山忙

宿雲居寺雜詩

棲雲傑構起隋唐山脈西來接上方五百僧徒零落盡撞鍾
幾輩出齋堂

因山爲殿抗參差隨喜周廊足忘疲饒愛諸天工塑象教人
瞻仰立移時

石經山色懸眉曉排闥能看最上峯屋背斷雲浮一抹天然
翦出碧芙蓉

經刻摩巘絕巘登題詩解讀幾人曾無端三峽橋邊事惹得
人知邇可僧

曙後嵐光洗眼清忍寒聽瀑坐軒楹懸知林外千峯雨併作



階前一夜聲

雨過龍涎苔石溼天低鳩語隔林喧簷淙斷續雷聲歇又促
篋輿出寺門

自雲居寺歸途中

蝶戀花

翦燭聽濤寒達曙盼得些晴無計留人住門外綠楊鳩自語
行人度入溪煙去溼面絲絲風又雨麥隴高低迷却來時
路回首精藍雲黯處亂山相送青無數

與羅癭公楊昀谷家兄吉符同游石經山宿雲居寺聯

句

白帶山勢如龍翔琬公卓錫劔崇岡琳宇甌篠凌青蒼瘳萬

木蒼鬱環周牆當門激湍石爲梁穎松椿竹柏爲道場均莊

嚴妙相七寶裝前殿後殿遙相望吉主僧殷勤掃禪床山蔬

滋味逾羶薌穎歷覽臺榭窮修廊一衲攜杖追筇將導我攀

躋從徜徉穎磴道百折如羊腸均綠籐披棘汗出僵穎仰捫

絕壁開天閭石經八洞皆琳琅均肇隋大業逮李唐歷遼統

和金明昌繩先繼志法乳長陰厓靈閣驅風霜龍虎守護魘

魅藏穎石室鴻寶如燉煌均與經石碣爭精良波磔適麗兼

端莊虞耶褚耶將歐陽吉石幢千佛圍法王彌勒濃笑神揚

揚均高厓石骨森開張大書題名志弗忘穎淪茗嚼墨留短

章振衣一笑天低昂穎暮煙滅徑還僧房疏雨撼撼敲松篁



不

舉浮圖雙矗天微茫鈴語答和聲郎當歸鳥倦飛蝙蝠忙忙琉

璃熒碧寒斂芒一翕清淨旃檀香吉倚枕不入華胥鄉穎但

聞半空飛瀑流湯湯穎

贈日本旅行人菅野力夫

雲山囊躋一身輕揮手重爲萬里行纔帽豐髯齊入畫遠人

爭讀健兒名

四國浪遊欣解語九州歷盡不齋財世閒始信無難事攜有

精神滿腹來

海外歸來歲九週京塵我亦動羈愁著書仰屋成何事賸把

張圖補臥遊

京師正陽門拆毀甕城得崇禎二年鐵礮作歌紀之

君不見瑯琊築城獲弩牙黃銅機捩金錯花梅苑陵有蔡君謨示古大弩牙詩黃銅弩牙金錯花

銀蘭線齒如排沙又云蔡侯出此問誰得往年客遺來瑯琊瑯琊築城穿厚塼旣獲磨洗爭傳誇 又不見都子廢城得矛矢螺殼

劫灰完不毀薛季宣詩存宿大城寺與寺僧行都子故城壁間得銅矢鏃土中螺殼 古人

厭勝有深意板幹每每藏兵器未饒陶甓策奇章兼許築人

師阿利燕京樓闕高嵯峨九城擊擊麟麟過通衢頓欲四門

闢平治甕堞無坡陀司空程限官徒急毛人夜靜投磯泣一

朝古礮出人間鏽文剝蝕泥痕澀何時鑄者明崇禎磨洗細

字猶分明當時造械廣設局雙頭十眼紛殊名伯顏礮佚金

汁制交趾鎗置神機營佛郎千斤火迸發紅夷二丈雷砰旬



不

不

錫號將軍遣官祀同此頑鐵何其榮物誠有幸有不幸似汝

埋沒鴻毛輕坐觀流寇滿天下棄廢不用瘖無聲礮乎爾勿

傷幽瘞晦迹寧知非左計同時雲旆已成灰獨向滄桑閱人

世吾聞其時督戎視師德勝門礮不創敵創外援明通鑑崇禎二年十一月清兵薄德

勝門李邦華令城上發大礮誤傷滿桂援軍 又聞遵化城外營二屯燃礮礮炸潰且奔崇禎三

年二月劉之綸引兵至遵化清兵擊之之綸發礮炸軍營自亂 火器既窳用者拙反藉寇兵危至尊何

中官蓄異志空筩貯藥徒聲喧連珠無靈隸不力莽莽斷送

愁中原豈如三百年來此無恙江山屢改精鏐存前朝古械

今稀靚請置箭樓資訪舊祇今無地用英雄祝汝更延千歲

壽

張子幹以篁溪歸釣圖題詞見貽戲題二絕

聞君決計買歸舟徧索題詩盡勝流君既不行吾又懶詩情
歸思兩夷猶

我亦南歸理釣絲家居洲渚六鼇嬉居宅地名蘇州歸時我祇蕭然去

不寫新圖不乞詩

壽金息侯同年梁母錢太夫人七十

十年伏闕識劉蕢直聲名海內聞潔養詩人爲孝子教忠
賢母是嚴君慈暉戀戀留芳草官廨依依望白雲一棧家園
遙上祝輕軒長日帶微醺

壽邢冕之同年端母劉太夫人七十

郎君弱冠起詞林不負護堂晚節心婚約解胡盟斷髮楹書
汲集薄遺金舉家食報原先澤四世清芬見嗣音爲祝歲添
長命縷壽觴蒲酒一時斟

伏中飲南河泊泛舟賞荷分得冬韻賦呈履之蔚如翼
年並樊山實甫諸君

消夏園池不可逢相攜出郭此停蹤稍分魚國依高柳爲拓
荷區徙積葑水淺客便遊艇緩灣深禽樂夕陰濃酒闌移具
城南去有約來聽盡日鐘

雨中游清華園卽事

小雨侵涼氣已秋單衣喜及近郊游檻泉淪茗浮深瓊風葉

驚魚避釣鈎緣徑野花濃
匝地隔溪烟柳碧臨流晚行無礙
歸鞭緩一路寒蟾照上頭

午後與王子琦嚴侶琴許叔伊並騎野行至暮乃返

游黑龍潭遂至溫泉

斷峽中開入赭山

紅山以石皆赤名峽口峻險行者舍騎而徒

好風吹客破愁顏古潭噓

氣龍涎溼石涵窺人鶴性頑松蓋童童森雨後蓮燈隱隱出
林間

是日中元

謁來牌肉消磨盡抵得胡床百日閒

壽徐慕初象先尊人班侯侍御母胡太夫人七十

永嘉山水生畸人城北一髯尤絕倫
滄桑三變晚逾健同時物望尊耆獻
時平要著還山衣隨身書局飄然歸
白首劉樊人未老綠衣軼轍知名早
盛秋吉日西風涼畫堂簾捲黃花

香祝髯晚節如壽客一笑掀髯浮大白

題徐容舟所藏黃忠端公墨蹟長卷

郊天壇燭迎風滅玉璽失聲驚隕缺
天興

隆武時改福州府爲天興府

兩載小

朝廷灑盡輔臣腔血熱婺源一戰全軍死
五人併命金陵市虛傳絕筆數章詩罕見
人間藏片紙猶有生平得意書鬼神呵護
劫灰餘微聞內府珍藏久不遺零縑飽蠹
魚輔臣一代推風節廷劾連章忤羣孽謫
戍窮邊不自憂高寒祇是懷宮闕當時大
盜移龜鼎北師如蟹東南警

時有清行如蟹之語

烈皇初降大

行詔潞藩已執降王挺鳳陽帝子出高牆
衢州累表圖勤王君臣慷慨誓恢復出關
一月無餘糧可憐迂直招憎妒武臣

爭席乖龍怒義師，枵腹化蟲沙。空劄百函終，坐誤徐生好古。
有真識，不知此物從何得。上無年月，祇題名觀者。沈吟費推
測，頗疑筮仕宮詹年。含香進講陪經筵，三疏草成潑餘瀋。照
人肝膽生雲烟，又疑遣戍蒼梧日。經歲杜門身不出，繫獄餘
生志未衰。閒情偶縱如椽筆，或當囚服著書時。飾巾幽室無
人窺，丙戌預知驗皇極。甲子故難書，義熙卽論書法神。規矩
竝代幾人能接武，至今字字墨花香。浩氣忠心已千古，掩卷
蒼茫感劫塵。孝陵草色幾經春，鷄鳴鶴怨無終極。淒絕當年

失路人

泣絕命
詩中語

挽葉玉甫亡姬陳氏八首

草草因緣一瞬間，廿年塵夢謝紅顏。幽蘭泣露新香死，愁絕

河陽李義山

爲憶歌筵乍見時，深宵香火定情詩。城西金屋雙棲穩，盡日

春風護柳枝

生性耽書事，管城初歸溫淑著。賢聲閒來愛讀元兒傳，寫出

幽蘭寓小名

八月消磨病榻身，荆枯椿萎總傷神。鬢邊白柰襟頭淚，風雨

秋宵送析津

平子長年賦四愁，可堪紅袖更悲秋。天公到底拘成例，不遣

佳人見白頭

郎君名滿謗隨之，不道憐才出女兒。賸有平生知己淚，一時注海報蛾眉。

夢覺蘭房墮半釵，忍拋彩筆懺風懷。鏡中眉黛能爲慰，猶有孤雛玉雪佳。

小謫人天了，宿逋再來期。約事模糊君家舊，有瓊花鏡照出。緱山倩影無。

挽王湘綺

閩運

柱下星沈事尙疑，驚聞海內失經師。眉山稍喜縱橫學，長慶工爲諷諭詩。相背廟通寧妄語，當塗王浚有微辭。百年耆獻垂垂盡，未許商顏老采芝。



上壽姬傳又見君，先生壽八十五一家兒婦總能文。祁門早脫看

山劍，祁門雜詩云獨橫掃短劍真爲看山來衡嶽終歸出岫雲。書局經年隨洛社，講壇

諸將侍河汾。歌謠行國今何世，亂葉喧鴉下夕曛。

佳人行

南國佳人來萬里，風流婉約良家子。菟絲託體恩不疑，高豔

三春壓桃李。生小居貧事浣紗，守身如玉淨無瑕。梨渦難得

逢含笑，檀炷時聞愛辟邪。雲母屏前曉妝靚，水晶簾底頻窺

鏡。自矜容色冠時人，不向丹青求捷徑。門戶支持年復年，曾

無水碓買脂錢。翦花隱笑鄰姬侈，撲絮常嗔小婢顛。薄暮衣

裾寒易襲羅幃，不遣春風入。誰知雙燕語參差，幾度覩人來。

往急無端春恨惱比鄰百丈遊絲盡
骨人衆女由來善謠詠
蛾眉從此落風塵公堂對簿情無賴
眞遣桑榆儕駟僮要須
此恥濯西江已惜清名汚下蔡
妾家古鏡暗塵侵持鏡沈吟
比妾心若許清光重拂拭依然照
膽冷陰森旁人扼腕傷萋
菲羣謗自愚公論騷五陵終選女
無雙四德皆知卿有幾平
林簌簌鳥驚飛燼冷金爐靜掩幃
定約還君長命縷含顰返
我嫁時衣水清見石何消說回
首終拚相決絕爲祝新人勝
舊人比似月圓長不缺

山
傀儡謠

華燈萬點春宵舞傀儡
如人作人語鑼聲聒耳始
登場綵衣

傅粉軒軒舉牽絲刻木疑通靈
捧手頓頭難自主未必心腸
眞木石終疑胸次有城府
巧能擲劍兼跳丸招手瞬目行
嬾嬾忽聞座客笑聲起令我
卻憶朝中官子陽罄折如木偶
修飾邊幅賓無歡大程端坐似
泥塑接人但見和一團宗資成
璿空解事畫諾坐嘯如是觀
况屬羣齋殊臭味太阿倒持復
何謂御寇相傳似象人曹蜍
眞怪無生氣傀儡笑客無乃愚
謂我朽木無知乎衣冠自是
麒麟楨輕詆吾類寧非誣迴旋
趁節動合拍此中有矩不可
踰譬猶法治納之軌委裘可使
躋唐虞但憂人不傀儡若弁
髦律度宜何誅君不見雷將軍
面中六矢令狐卻謂偶人耳
陳平計解白登圍闕氏疑是傾

城美傀儡於人亦何負人貌傀儡渾不似若云傀儡爲譏評
頗疑在彼不在此古來去黨難朝中陰作鷹犬欺羣蒙言官
搏擊但承旨決曹周內惟希風王莽睚眦假孔光梁冀草奏
呼馬融搖手噤聲不得動是非毀譽寧由衷此曹操縱人掌
握客乎所笑將毋同

儒冠

石星巢丈見過爲言每值亂世必讀書人先受旤感
其言賦此詩

儒冠餓死尋常有何况遭逢世網艱能識字人爲鬼妒不如
意事見天慳豈聞腐豎知通變誰遺癡頑與厚顏去去石生

休復通知君無意馬蹄間

鬻所乘馬車感賦

生事頻年計早疏罷官軒馬費躊躇自由畢竟輸徒步

懶出惟宜數讀書門客何心彈劍缺窮人無分坐肩輿

待徒步
覺自由陳後山朝無咎文潛詩窮人乃
工君未可早據要路安肩輿

廐馬俄國產駕車六年矣賤價鬻之傷感成詠

六年參汝情無限中道相捐轉惘然芻豆久愁分薄俸車塵
甘已讓先鞭賣駢券在蘇和仲遣駱詩成白樂天爲祝主人
能勝舊驕嘶重見酒樓前

灌園

無賴西風靜掩門瓜煙豆雨近黃昏客來不省藏何事身雜
蒼頭學灌園

一飽

一飽真能解百憂得閒歸第復何求孱軀健在醫相賀詩腕
如神客不愁擁被酣眠常日晏寫書罪過亦風流牀頭齏糲
猶無恙淡飯粗茶卽四休

驟貧

年年家計資囊粟一賦閒居便不支債似未焚姑覓券窮猶
自慰倘工詩客車頓少奴逾懶甕米無存鼠苦饑賸喜吾家
餘四壁今年未至立無錐

粵災歎

粵人何辜憐可哀人既未已仍天災三江洪潦同日漲故園
回首成蒿萊年年汎濫西江起咫尺隄防未傾圮今年大浸
忽稽天北江併入珠江水城中夜起驚呼喧下牀平地波瀾
翻朝來沒膝晡沒頂一時號哭逃無門水流淙淙兼天湧閭
巷駕舟多恹恹山與潮平隱隱浮屋經浪打搖搖動貧民露
宿嗟淪胥富室殘喘猶樓居誰知亭午誤炊飯城門一火殃
池魚是時闔城電光黑鬼霧沈沈黯燐色祝融徹夜靡不去
雨工漫天灑無力箱籠倉皇遭劫攘骨肉流離苦顛踣更聞
梧州溢上游廣肇四鄉成澤國近如鼎安名遠景福名七

十餘圍盡崩塈牲畜淹沒禾苗空園桑漂蕩塘魚擲墟落不
聞鷄犬聲田廬陷作蛟鼉宅汪洋四十有六縣龍伯不仁竟
何責縱頌內帑恤餘黎災區遼遠難爲德諸公日日言治河
瞻觀嚮淖終無策西風獵獵黃昏急吹退狂流夜三尺日出
開門問親朋始有家書報消息發緘讀罷涕交頤民不死水
終死飢魚斃浮江噉人肉饒吻饜飮凝膏脂其餘隨流沒入
海焦爛枕藉焚餘皆家在河南依水涯登樓避水水及楣石
漂岸蟹不知數板扉欄檻皆傾欹聳人善泅徑入室探取餘
物公然欺橫江巨舶鼓輪過北岸逆溯行遲遲水高流急不
得泊斗壓鄰舍成崩摧吾家天幸出此險數間破屋猶能支

七月十二日
江通輪船事

水乾拓地斂家具束如亂筍焚如絲蚯蚓上階虺緣
榻新蠹出渠螢入帷屋椽潮溼怒菌迸敗牆泥滑莓苔滋一
室掃除豈足念神州陸沈空爾爲東南財賦頻年蹙一省偏
災憂不足何況諸州風與蝗補瘡眞苦剜無肉我從薄宦旅
京華十載離家念松菊今年乍許息勞肩頗喜南歸遂初服
誰云夜夜江月明惟照家家新鬼哭米糧翔貴柴木荒盜賊
滿山災癘伏精神蕩盡存幾何元氣百年非易復舊聞鄉人
好義廣勸輸輓粟千里纔須與爾來自救苦不贍無家可毀
空嗟吁沿門手冊募急賑明知弩末如催逋爲善最力報最
酷甌福之理何其誣起觀朝賢尙水火爭棲豕蠹安濡需風

雨漂搖室將毀綢繆無日口卒瘁更不乘時急努力死者爲
魚生爲奴嗚呼天人響應如鼓桴不知天公有意無

颶風行

土囊發怒罡風急高捲海潮乘壩入東南沿海盡爲災白浪
排空作山立颶母出巡走精怪羣木低頭齊下拜中流海舶
獨屈強一擲沙灘如掇芥大船撞擊不相顧小船溺沒知無
數此時岸上絕人行屋瓦皆飛水迷路天低雲捲颶未休匪
汝之訟將誰尤不知此曹坐何事千百人畜隨沈浮覆舟財
物成無主濱海羣兒相纂取漂蓬折柁盡捆載不顧溺人號
救苦東家遠抱籠屨歸西家爇火烘溼衣跛奚嗷嗷無所得

亦拾斷板當門扉但嫌屏翳力猶薄眼望千帆難飽掠安得
時時風浪惡萬人哀泣羣兒樂嗚呼人生幸災冀利己泗水
羣兒小焉耳君不見宦海風波正如此

耽吟

人海升沈計早知三年已悔拂衣遲此中宜飲吳興酒長日
唯消杭郡棋故我依然悲逝水干卿底事皺春池苦心遠害
誰能識贏得耽吟作口碑

銅士錄示與龔叔明夫人卜居杜廡病中書懷之作寓

意良厚卽用其韻

平生耽著述此事利窮愁始信閒爲福居然醉可侯杜門迴

俗士贈策謝良儔但恐葦鱸美秋風滯客舟

詣曹

詣曹蕭育終男子按事蘇章失故人自是蛾眉恆見嫉誰云
魚目竟覩真南冠高潔心能表北寺囚拘祭不神翻喜此行
增閱歷未須坐遠問何因

歸家

脫然頗信吾無累待質惟愁暫見羈署保故人輕百口迎門
稚子展雙眉頓知潘岳閒居樂免作佞期枉繫詩卻看飛蟲
瀕著網簷前負手立多時

復訊

十年讀律依稀憶使我頻來證異同理直人忘言語拙心平
世有是非公置辭原未窮周勃微法終能免孔融早識宦途
荆棘險更無怪事字書空

中秋待月

幾回盼得今宵霽霧氣迷漫混太清秋色蒼然經雨洗月輪
深處逆雲行未妨露立三更冷終放空澄萬里明緩下臺階
頻卻顧隔林不覺起雞聲

觀嫦娥奔月新劇戲作

廣寒忽作逋逃藪索婦天街怨不平一笑重翻甌北集誰知

此老竟無情

趙國北戲題嫦娥奔月圖詩數筆能推九日精何難
射落月輪明向留桂館藏嬌地此老當年也有情

強弩凌虛指月肩要能射殺藥無靈他時此意誰偷得遊戲
人間有歲星

回首家山事可危勢歸寒泥悔何追竊逃一著由天幸不遣

宮中作息嬌

泥因弄室
生澆及種

青天碧海情無限撩起凡心已隔塵此語謫仙曾道破孤棲

今古問誰隣

文人狡獪獵羣書王母吳剛等子虛一事微嫌留缺憾不教
后羿化蟾蜍

早起

早起晴窗無一事整衣兀坐笑何因隔牆高柳初搖日掠地

雞鴉不避人筆墨愆時添債負米鹽隨處見經綸閒餘消遣
仍多術自課觀書日等身

公園晚步

日暮園林車馬少游人散盡我初來城頭吹角聞幽咽水次
停橈暫卻回漸出星辰穿木葉近窺燈火下樓臺微吟不覺
經行遠守吏當門莫漫催

戲示內子

讀書深鄙容容福挫折何須意氣嗔兒輩公卿皆易事要無
災難是庸人

園後新闢隙地雜種菜蔬瓜豆蘿蔔花生之屬均實可

食

我生不解爲農圃小試行畦足自娛瓜爲食多無隙地蔬因
親種勝常廚舊知風味根能斂寫入詩篇氣未除閒看家人
忙食盍不愁早晚禦冬儲

爲章曼仙華題先德銅官感舊圖

靖港波平餘戰壘年年嗚咽東流水風雨孤舟大有人手挽
將星沉復起當時賊艦圍三匝章公少年姿爽颯奇功水脫
杜侯沉詭語冰真王霸合捷書夕報無差池半壁自此東南
支只今展卷沈吟處猶憶回谿垂翅時乃知成事須堅忍舊
地重來應涕隕山河已見風景殊人物相看浪淘盡世疑報

施曾侯薄始同患難終淪落焉知此事反留名老守一官寧
寂寞君不見辛壬之間天地昏羣言矯枉決籬藩中興功罪
尙反覆區區恩怨何足論

夜讀

習勞已慣難爲逸故耗精神讀不休押字眼昏宜得寐結釐
心懶詎忘憂欲求寡過思中散苦愛高官戒子由今日未須
憎萬卷此生拚作老書囚

九月二十五日飛蝗過京師自西北往東南逾時始已
河北螟蝗處處均更聞引子近畿頻蔽天但見飛如雪入地
仍憂蟄啓春隣邑責言疑發遣村農指畫誘靈神

鄉人爲言蝗有
靈不應災者接

為害不盈廷且莫陳符命愁歎田間正有人

重陽日不出

重陽十度客京華更不登高總戀家今日無錢復無酒罷官
陶令負黃花

王涓生秉權聞余訟累知近况貧窘遠寄銀元三百為
舉火貲雖違不受人憐之心彌有能知我貧之感覆

書辭謝並繫以詩

彥謙月俸凋施盡宦久曾無儋石儲乞米魯公差作帖寄貲
錄事枉馳書雀羅甘我門庭寂耐輟辭君升斗餘為報故人
多厚祿長安憔悴尚能居

和黃晦聞樓陰二絕句原韻

煙散長垣積薛深舊巢如夢倦重尋無端風雨催林葉辜負
棲禽別覓陰

塵網京華拔脚遲惟應日飲老袁絲頻年誤作承平夢苦憶
江南著作時

惜陰

一生勤瘁惜分陰髀肉消磨負夙心顛倒才人羈縻老要論
億萬擲黃金

訟事初起豫計中秋前後當了遂與友人約謁孔林並
赴杭為西湖之遊歸粵攬羅浮之勝忽忽三月案懸

不結天氣漸寒游興頓沮爲之憮然

曾經海外歸來後放眼中原望欲穿株守一官真失計徧游
五嶽待何年身輕已覺閑爲福事解甯知月屢延誤我秋深
行未得名山不信竟無緣

霜葉

微霰空庭下蕭然萬象森小山黏亂葉畫閣失浮陰風掃紅
猶積煙橫暝漸深殘陽戀林秒一一照歸禽

寒暑詞

天氣有暑寒如國有治亂暫暑復入寒亂世常不斷
春煖屏薰爐秋深棄紈扇紈扇與薰爐何恩復何怨

盛暑望寒來嚴寒覺暑好寒暑兩無窮人身坐衰老

朱瓜結實纍纍數百枚霜降後摘饋親友留其絕大者

供之几案間

自喜朱瓜繞架栽秋來瓠落摘成堆不堪一飽誠何用始信
人間愛棄材

輓座師陸文端公

星坼中台海內悲百年耆獻益凌夷說書崇政勤趨闕扈駕

山南老負羈傳世文章名共壽救人方藥國能醫師門屈指

涸零盡金帶花殘最後枝

甲辰會試四總裁
最高亦最壽今無一存矣
公年

兩朝侍從紀殊恩宮闕高寒戀夢魂傳德佩刀歸少子臨終

留硯有孤孫文先耆舊黃初重公祖高年太尉尊自是滄桑
悲世運羊曇何止哭州門

壽譚篆卿祖任母許太夫人七十

叔子遼陽宦未歸遙飛一瓊祝萱幃天孫慧福星初降

七月八日生

壽母華顛古已稀燈火廿年勞夜織板輿萬里戀春暉諸郎
好客叨陪久未座猶能辨綠衣

賢翁賢子復賢夫名德三傳並世無漸貴公卿逾縣長蜚聲

酥酪讓醍醐

丈夫子四家卿尤自肩

庚寅佳日嬾星耀丁卯家風別墅娛釀

得瓊漿顏可駐年年萊綵舞鸞觥

壽吳綱齋十鑑尊人子修年伯慶坻母花太夫人七十

壽

雙星海上輝南極十月梅花透春色羣仙呼酒醉蓬萊家在

西湖歸未得延陵華胄夙蟬媿宦跡鴻泥楚復川瓊頰文章

名父子劉樊眷屬活神仙玉堂先後鵬鸞侶於陵嗣復同知

舉一時桃李出公門五色絲綸聞吉語昔年冒暑泛清湘

統宣

已酉余以會議萍昭鐵路專至湘奉謁過從旬日

曾許通家拜下牀

家嚴與公爲光緒丙子同舉

冠蓋羣公零落

盡巋然今獨魯靈光

謂同官陸果使鍾琦賴警道承裕袁觀察學昌沈大令瀛數年多避難或謝世

當時頻辱高軒

過名宿清談驚客座壓裝贈我手璣衡

天球地球各一湘中諸生手製

歸權洞庭

風不簸長沙一別幾春秋早脫朝衫退急流預見荆駝傷故

闕便攜梅鶴買扁舟東南耆宿存文獻一臥滄江腰脚健野

處聊成擊壤篇感時閒作潛夫論况復齊眉有少君白頭偕

隱話鄉扮幾家舉火資釵珥廿載持門服練裙長公純孝遵
嚴命惟與慈幃彰懿行我謂高年古豈稀夫賢子貴真家慶
繞膝孫曾笑語親一門名德世無倫若論林下娛清福應是
人間第一人

不寐

夢醒常嫌夜漏遲已難成寐苦遐思燈前獨起挑燈寫長是
新詩覓得時

出處

出處商量事兩難雲泥冷眼一相看家無薄產愁馨膳時正
橫流忍挂冠三徑菊松空夢寐百年禾黍有悲歡陸沉俗計

寧能絕避世惟應作小官

和晦聞過公園看菊韻

已過重陽還買菊幾回乘興訪籬陰亦知晚節今來薄猶幸
詩人著意尋憔悴寒英秋色老荒涼古殿展痕深林柯風急
無時靜可有空枝借宿禽

擬韋蘇州難言易言

自宋大夫賦大言小言殷荊州爲了語危語賓筵舉例
演義益繁詩家效之遂成規體古云去朝中黨難又云
下民易虐刺此二語聊託諷焉

難言

使魚泳陸馬渡江驅豚禦虎羊鬪狼塹塗持塞尾閭泄杯水
潑滅燎原揚不如朝中朋黨相嫉媚根株拔除苦不早大家
空作和事老

易言

燥薪爇火焚乾楮利劍如霜分朽腐側阪乘高走鐵丸順風
千里吹纖羽不如霸者詐力欺齊民雷霆在後勢萬鈞噤聲
蹙頰歌聖神

署供

大獄株連海內驚受辭誰道此真情頗聞當制爲窮詆豈有
長途或倒行世事不平寧可計諸公見罪竟何名讞成一笑

出門去功過悠悠得失輕

賦雪

撒鹽空際謝胡辭散麵風中張說詩

張說喜雪詩積如沙照月散似細從風

南方有犬

皆走吠他日問蟬應不知和甄能果蘇卿腹映書曾照孫康
讀更鏡六月不偷閒要與人間管窺獄

庭鞠

盼斷佳音幕始開十旬此地四番來外人洞見真觀火獄吏
猶憐肯溺灰如許鬚眉對刀筆不妨身世辱塵埃若論赴訊
烏臺日我比蘇髯少七回

烏臺詩案凡訊十一次

客問

客來問我閒何事樂趣時時解自尋身欲奮飛仍倦臥力非
濟勝怯登臨難完詩似貧兒債易盡書如浪子金獨向中庭
踏黃葉北風歸雁一沈吟

梁燕孫宅中聽粵東諸友人合樂

幼時不解繁音妙每遇衆喧恆掩耳管絃迭奏雖悅聽頗覺
嘈嘈復鄙俚一去鄉關十二年此調京華誰挂齒遠聞土操
忽神往亦如空谷見人喜梁侯退食愛新聲羣公攜酒歡相
迎張燈折簡召賓客陡憶舊事心怛怛入門冠履已滿座高
談曲派詞縱橫酒酣就坐不肯歇絃索縱縱激清越主客無
言屏息聽徐聞背面歌聲發往來遞唱各有情洪細不殊皆

赴節餘音已落梁塵飛急響乍令金石製就中洗老推定場
二黃逸興尤飛揚其餘諸子人一藝揮手頓覺天低昂斂眸
默坐與意會置身恍忽仍家鄉童時日月似未逝依然笑語
初扶牀此時羣響紛未息羯鼓銅鈺震堂壁花檀曲項坐相
向二絃幽咽三絃激鏗鏘衆器一一諧持問北人多不識古
人重樂皆喜歌祇今知樂人無多讀書誤視伶官賤操縵翻
聞小學訶粉墨登場固遊戲並樂不講甯非苛諸賢風雅深
心許但遇知音常不拒李袞工敬早得名桓伊弄笛還交語
一曲初終情已移再三轉調聲逾悲夜深座散不忍去低徊
賞歎忘爲疲歸途觸我離家悔靜坐依稀餘韻在鞞鞞甯嫌

三日颯風塵尙累兼旬待春明一夢散如雲此樂年來那得
聞顧曲不緣解音節聞聲祇是感桑粉清歌每聽愁誰語坐
對茫茫無樂處何日學調絲竹音從君陶寫中年去

和樊山秋柳原韻

憔悴腰支歲序侵肯將顏色換黃金風流殿裏渾如昔月夜
梢頭又感今舞態嫌人偷學得愁眉消汝別情深千秋依舊
龍池影辜負當時改植心

畫角城頭起暮秋登臨暝色愴高樓沾泥故故隨飛絮顧影
時時落濁流無奈舊恩辭漢苑驟移新翠上章溝長綠拂地
香塵澆不掃人間萬斛愁

新種柔條蔭野田亂花如雪正漫天無聊園水嵒生鍛得意
春衫晏叔鞭垂淚一簾和曉雨銷魂幾樹蒸溪煙眼前舉世
輕喬木輸爾成陰已十年

閉置荒園盡日垂東風暗換詎曾知獻顰慵縮同心結弄色
爭憐搔首姿繫馬有人歸計決聽鷓鴣容我覓春遲一生不傍
章臺路攀折何須悔後時

僕雅不狎邪非以爲高實不見其樂樊
翁書指他日乃有不入城院之恨故云

壽樊樊山七十

第一才名震九州客星難遣老羊裘詩人貴顯惟高適詞伯
耆年數陸游餘事文章掩經濟平居治實見風流不須探問
春消息相對梅花未白頭

刻燭宵深總不疲又從日下見宗師名流數領簪綬宴理窟
頻抽勃窣辭車胤同游人盡樂陶潛穎脫世難羈微聞近稿
添盈寸要讀新來自壽詩

壽趙劍秋椿年尊人元直太翁七十

甌北詩才一代尊喜聞秘監有玄孫游山濟勝人攜展問字
停車客在門卅卷家傳金石錄十思箴奉老成言郎君官職
饒平緩長傍華顛愛日暄

與諸公攜酒賀楊瑟君新居

楊生詩畫俱能事安硯新齋定不同植援激流環檻外隔牆
分翠落杯中更誰市宅鄰張霸有客移尊就孔融入戶早梅

齊破萼宵來先賀主人翁

生日

歲歲生朝常置酒今來廚突獨蕭然頭顱更不堪朝請

陶弘景與從兄

書今年三十六方饑餒猶思散餉錢

宋衡陽王義季恐劉疑之飢餒餉錢十萬疑之散飢者立盡

偶作漁洋

編集計尙遲定父戒詩年

王漁洋三十六歲自編詩爲兩集釁定誓以三十六年戒詩

一杯向晚何

人借塊壘能澆亦有緣

夜飲友人家亦前此生日所無

賀王子琦廷璋新居

風塵我亦劉平國建第時時趣故人甥館讀書慵下酒王城

如海足藏身中年質廡懷前事夜雨聯牀有夙因

十年前君兄弟與余同儼居西城

要待君家春釀熟花闌覓醉不辭頻

宣判

鐫詰原無狀可尋讞詞竟讀見文深一官破甑顏甯瘦片語
平亭氣已瘖院判才許上疏對客解嘲真懶作爲人受過更何心懸衡
豈免差毫髮此事悠悠已古今

病腦旬日內子苦諫觀書釋卷枯坐復不自聊作詩遣
悶不知吟詩與觀書孰與病增減耶

寢淫萬卷猶今日顛倒人間事可知一字哦成詎堪煮十行
目下尙嫌遲病妨百嗜相隨廢張文潛詩一病廢百嗜心有千秋作計癡此

後惟應學坡老書毋多讀勿工詩東坡送劉放通判秦州詩讀書不用多作詩不須工

被議以來不預外事報章有謬傳余列名勸進致深惜之意者戲作

閉戶依然待罪身不堪附翼更攀鱗誰言朝覲謳歌外更有
當時訟獄人

晦聞見讀近詩頗以懸懸於訟事爲嫌因答

自輯新詩當寫真流傳已媿一微塵相逢如夢何嫌嚳定痛
猶思詎免呻託醉恨無千日酒懷歸尙靳五湖莼病餘匝月
吟哦懶寂寂春風倘笑人

附和作

和答穎公並乞賜教

順德黃 節晦聞

昌黎詩好論身世後有柯山又不然二子能毋懷抱惡古
人難免性情偏每爲長句公尤健始歎奇才世已傳憂患

如山吾輩在莫將閱恨遽呼天

重答晦聞

舉世酣嬉藿食憂咨嗟良不為身謀任為鬼笑窮何害豈待
人言始欲愁歲月尙求排遣計文章甯假姓名留卅年道著
應難必此事輸君出一頭

肇方生 以下丙辰

又報熊占慰老親居然四葉第三人

余祖父及余行次皆居第三
故余親盼三索為男甚切

黑貂

歲事初更漢黃鵠家居豈帝秦選夢雲居前日憶

以遊上方山後
得子命名曰方

聆呱繡祿隔年新可能福澤真勝我吉語當筵謝衆賓

小園集終

民國二十四年十月一日出版



梯園詩集第一種

小園集一卷

全一冊定價大洋七角

著者 關 廣 麟

印刷者 中國仿古印書局

發行所 中華全國鐵路協會

南京金川門內五號

北平乾樂胡同九十二號

分售處 各大書坊